

Лойиҳа-смета ҳужжатларини
тайёрлаш ҳақида пудрат шартномаси

2022 йил « 9 » 12

Андижон шаҳри

Келгуси ўринларда «Буюртмачи» деб юритиладиган ва ҳаракатдаги Низом асосида фаолият кўрсатадиган Хўжаобод тумани Мактабгача таълим бўлими унинг мудираси Н. Мирзакаримова бир томондан, ҳамда келгуси ўринларда «Пудратчи» деб юритилади ва Низом асосида фаолият кўрсатадиган «Нурафшон электр сервис» МЧЖ ва унинг раҳбари Д. Абдужалилов иккинчи томондан мазкур шартномани қуйидагилар тўғрисида туздилар

1. Шартноманинг мазмуни

1.1 “Пудратчи” Хўжаобод тумани 4 МТТ бино-иншоотларини таъмирлаш учун лойиҳа смета ҳужжатларини тайёрлаш мажбуриятини, “Буюртмачи” эса ўз вақтида ишларни қабул қилиб олиб, ишлар ҳаққини тўлаб бериш мажбуриятини олади.

1.2 “Пудратчи” “Буюртмачи” томонидан тақдим этилган лойиҳалаш топшириқларида кўрсатиб ўтилган ишларни «Корхона, бино ва иншоотлар қурилишига лойиҳа – смета ҳужжатларининг таркиби, ишлаб чиқиш тартиби ва тасдиқлаш» ҳақидаги ШНК1.03 01-03 қоида ва қўлланмалари ва мазкур шартноманинг ҳужжатларига асосланиб бажаради ва тугаллайди.

1.3 Бажариладиган ишларга илмий, техник, иктисодий ва бошқа талаблар ишларини бажариш учун техник топшириқларда назарда тутилади.

1.4 “Пудратчи” томонидан бажариладиган ишларнинг муддати лойиҳа ишларига ўтказилган эркин танловларнинг баённомаси билан 20 кунга белгиланган.

1.5 “Пудратчи” “Буюртмачи”нинг рўхсатини кутмасдан, қўшимча ички хўжалик шартномасини (шартномада белгиланмаган, лекин мазкур шартномани бажаришда амалга оширилиши лозим бўлган махсус тадқиқот ишларига) тузишга ҳақлидир. Қўшимча ички хўжалик шартномаларини тузиш “Пудратчи” зиммасига юклатилади.

1.6 Хўжалик шартномасининг бажаришдан бош тортиш ва шартларини бир томонлама ўзгартиришга рўхсат этилмайди.

1.7 Ишларни молиялаштириш ҳисобот йили учун белгиланган тартибда тасдиқланган манзилий дастурда белгиланган лимит маблағлари доирасида ва кўрсатилган молиялаштириш манбаи ҳисобидан амалга оширилади.

2. Томонларнинг мажбуриятлари**2.1 “Пудратчи”нинг мажбуриятлари:**

- “Пудратчи” “Буюртмачи” томонидан берилган техник топшириқ ва бошқа бошланғич ҳужжатлар асосида ишларни бажариш;

- “Буюртмачи” билан бажариладиган ишларни (босқичлари) нинг натижаларини келишиш;

- Мазкур шартнома бўйича бажариладиган ишларнинг бориши ҳақида, талаб қилинган ҳолларда “Буюртмачи”га ахборот жўнатиш

2.2 “Пудратчи” мазкур шартнома асосида бажарилган ишларни буюртмачининг рўхсатисиз учунчи шахсга беришга ҳақли эмас.

2.3 “Буюртмачи”нинг мажбурияти:

- Мазкур шартномада кўзда тутилган миқдорда ва шартларда белгиланган нархни тўлаш;

- “Пудратчи” томонидан бажарилиши лозим бўлган ишларни, мазкур шартномада назарда тутилган шартларда бажарилишини назорат қилиш;

- “Пудратчи” билан бажарилган ишлар (босқичлар) нинг натижаларини келишиш;

- Шартнома бўйича бажарилган ишларни, уларнинг мазмунини “Пудратчи”нинг розилигисиз учинчи шахсга бермаслик;

Шартнома бўйича ишларнинг нархи

3.1 Бажариладиган ишларнинг умумий қиймати 2022 йил “2” декабрдаги № 193570 сонли ЛОТ га асосан танлов комиссиясининг баённомаси билан **14 900 000 (ўн тўрт миллион тўққиз юз минг)** сўм булиб, шундан:

“Буюртмачи” томонидан “Пудратчи”га шартнома қийматининг **30 фоизли** миқдорида амалга ошириладиган бўнак (аванс) тўлови **4 470 000 (тўрт миллион тўрт юз етмиш минг)** сўмни, жорий молиялаштириладиган **70 фоизли** тўловлар **10 430 000 (ўн миллион тўрт юз ўттиз минг)** сўмни ташкил қилади.

3.3 “Буюртмачи” “Пудратчи”дан бажарилган ишлар ҳақидаги далолатномаларни қабул қилиб, томонлар имзо чекканларидан кейин жорий молиялаштириш ишларини бажариш мажбуриятини олади.

3.4 Мазкур шартнома бўйича Пудратчи томонидан амалга ошириладиган лойиҳа ишлари нархи ва муддати узил – кесил ҳисобланади ва қайта кўриб чиқилмайди.

4. Ишларни топшириш ва қабул қилиш тартиби

4.1 Бажарилган ишларни баҳолаш ва қабул қилиб олиш техник топширик талаблари асосида баҳоланади.

4.2 “Пудратчи” томонидан топширилиши ва расмийлаштирилиши лозим бўлган ҳужжатлар рўйхати техник топширикда аниқланади.

4.3 “Пудратчи” ишларни бажариб бўлгач, “Буюртмачи”га топшириш–қабул қилиш далолатномаси билан биргаликда илова қилиб 3 та нусхада ҳужжатлар тупламани тақдим этади.

4.4 “Буюртмачи” мазкур шартноманинг 4.2 бандида кўрсатилган топшириш–қабул қилиш далолатномасини ва ҳисобот ҳужжатларини 30 кун муддатда қабул қилиш мажбуриятини олади ва пудратчига имзоланган, ёки асосли эътироз билдирилган топшириш–қабул қилиш далолатномасини жўнатади.

4.5 Бажарилган ишларни топшириш–қабул қилиш давомида “Буюртмачи”нинг асосли эътирози бўлса, камчиликларнинг рўйхати ва уларни бартараф этишнинг аниқ муддатини белгиловчи икки томонлама далолатнома тузилади.

4.6 Агар ишларни бажариш жараёнида кейинчалик уни давом эттириш мақсадга мувофиқ эмаслиги маълум бўлса, томонлар 5 иш кун мобайнида бир–бирларини ишлар тўхтатилганлиги ҳақида хабардор қилишлари шарт ва 10 иш кун мобайнида ишларни давом эттириш учун мақсадга мувофиқ бўлган йўналишларини ойдинлаштирувчи масалаларни кўриб чиқишлари керак. Ишлар тўхтатилган ҳолларда томонлар учун Ўзбекистон Республикаси қонунчилигида белгиланган мажбуриятлар юқланади.

4.7 Ўзаро ҳисоб–китоблар қилишнинг муддати келганлиги томонларнинг бири мазкур шартномадаги ишларни тўхтатиш ҳақидаги ёзма хабарнома берган санадан ҳисобланади.

5. Томонларнинг жавобгарлиги

5.1 “Буюртмачи” ўз вақтида олдиндан тўланиши лозим бўлган тўловларни тўламаган ҳолларда, ишларни яқунлаш муддати тўлов кечиктирилган муддатга узайтирилади.

5.2 “Буюртмачи” тўлов талабномаси акцепти (қабул қилиш)ни асоссиз равишда тўла ёки қисман рад этганлиги, шунингдек ҳисоб–китобларнинг бошқа шакллардаги ишларга ҳақ тўлашдан бош тортганлиги (банк муасасасига тўлов топширикномасини тақдим этмаслик, чек бермаслик, аккредитив бермаслик ва ҳақозо) учун “Буюртмачи” тўловдан бош тортган ёки рад этган сумманинг 0,5% ҳажмида пеня тулайди.

5.3 “Буюртмачи” олган мажбуриятини бажармаган тақдирда “Пудратчи” ўтказиб юборилган ҳар бир кун учун мажбуриятнинг бажарилмаган қисмининг 0,4 % ҳажмида пеня тўлайди. Аммо бунда пенянинг умумий миқдори бажарилмаган иш ёки кўрсатилмаган хизматнинг 50 фоизидан ортиб кетмаслиги керак.

5.4 “Пудратчи” шартномада курсатилган мажбуриятини бажаришда, хизмат кўрсатишда олган мажбуриятларини бузганлиги учун “Буюртмачи”га ўтказиб юборилган ҳар бир кун учун мажбуриятнинг бажарилмаган қисмининг 0,5 % ҳажмида пеня тўлайди. Аммо бунда пенянинг умумий миқдори бажарилмаган иш ёки кўрсатилмаган хизматнинг 50 %дан ортиб кетмаслиги керак.

5.5 Бажарилган ишлар(боскичлар)да камчилик ва нуқсонлар пайдо бўлганда **“Пудратчи”** уларни бегараз бартараф этиш мажбуриятини олади.

5.5.Агар **“Пудратчи”** ўтган боскич учун ҳисоб бермаса, кейинги боскич учун молиялаштириш ишлари бажарилмайди.

5.6.Агар шартнома шартларининг бузилиши енгиб бўлмайдиган ҳолатлар (форс-мажор) натижасида юзага келса томонлар ўз ҳаракатларида Ўзбекистон Республикаси қонунчилик меъёрлари асосида иш кўради.

5.7 Агар бажарилган ишлар, кўрсатилган хизматлар керакли сифатга, техник шартларга ва мажбурият шартларига мос келмаса, Пудратчи Буюртмачига етказилган зарарни тўлайди. **“Пудратчи”** ишлар сифатли, шартнома шартларига мос келишига жавоб беради.

5.8 Шартномани ижро этмаганлиги ёки етарли даражада бажармаганлиги учун, жавобгарлик агар шартномада ўзгача ҳолат кўзда тутилмаган бўлса Ўзбекистон Республикаси «Хўжалик юритувчи субъектлар фаолиятининг шартномавий-ҳуқуқий базаси тўғрисида» ги қонуннинг 25 – 32 – моддаларига асосан жавобгарлик чоралари қўлланилади.

5.9 Агар бажарилган ишлар, кўрсатилган хизматлар шартнома шартларига мос келмаслиги, **“Буюртмачи”** бажарилган ишлардан бош тортишга ҳақли, **“Пудратчи”**дан шартнома шартларига мос келмайдиган иш қийматининг 5% миқдориде жарима ундиришга, агар бажарилган ишларга, кўрсатилган хизматларга ҳақ тўлаб қўйилган бўлса, белгиланган тартибда тўланган суммани қайтаришни талаб қилишга ҳақли. Жарима тўлов талабномаси имолиялаштириш муассасасига сифати лозим даражада бўлмаган ишлар ҳақидаги далолатнома тузилган вақтдан бошлаб бир ой мобайнида тақдим қилиниши лозим. Жарима жадвалининг тўлов талабномаси белгиланган бир ойлик муддатдан кейин тақдим этилса, жаримани ундириш белгиланган тартибда амалга оширилади.

5.10 Агар пудратчи лойиҳа-смета ҳужжатларини белгиланган талаб доирасида бажармаса, лойиҳа-смета ҳужжатларида камчилик ва нуқсонлар аниқланган тақдирда **“Пудратчи”** **“Буюртмачи”**га етказилган зарарни тўлайди. **“Пудратчи”** ишлар сифатли, шартнома шартларига мос келишига жавоб беради.

5.11 Шартнома шартларини ижро этмаганлиги ёки лозим даражада бажармаганлиги учун жавобгарлик, агар шартномада кўзда тутилмаган бўлса, Ўзбекистон Республикаси “Хўжалик юритувчи субъектлар фаолиятини шартномавий-ҳуқуқий базаси тўғрисида”ги қонуннинг тегишли моддаларига асосан жавобгарлик чоралари кўрилади.

6. Бартараф этилиб бўлмайдиган куч ҳолати (форс - мажор)

6.1 Агар томонлар мажбуриятларининг қисман ёки тўла ижро этилмай қолиши табиий ҳодисалар, ҳарбий ҳаракатлар ва бошқа бартараф этиб бўлмайдиган кучлар сабабли содир бўлган бўлса, ҳамда бу ҳолат мазкур шартнома ижросига бевосита таъсир кўрсатган бўлса, томонлар мазкур шартнома бўйича мажбуриятларининг қисман ёки тўла ижро этилмай қолгани учун жавобгарликдан озод бўладилар. Мазкур шартнома бўйича мажбуриятларнинг ижро муддати бартараф этиб бўлмайдиган вазият, шунингдек шу вазият келтириб чиқарган оқибат ҳукм сурган вақтга мос равишда орқага сурилади.

6.2 Агар бартараф этиб бўлмайдиган куч вазияти ёки унинг оқибатлари 3 ойдан ортиқ вақтга чўзиладиган бўлса, **“Пудратчи”** ва **“Буюртмачи”** қурилишни давом эттириш ёки номаълум вақтга тўхтатиш учун чора тадбирлар кўришни муҳокама қиладилар.

Агар томонлар 1 ой мобайнида бир тўхтамга кела олмасалар, томонларнинг ҳар қайсиси шартномани бекор қилинишини талаб қилишга ҳақлидир.

6.3 **“Буюртмачи”** тўлов шартларини ўз вақтида бажармаслиги **“Пудратчи”** учун «форс-мажор» ҳолатига тенг ҳисобланади.

7. Қўшимча шартлар

7.1 **“Буюртмачи”** 1.1.-бандда кўрсатилган объектдан ташқари, **“Пудратчи”** томонидан тақдим этилган бажарилган иш натижаларидан фойдаланишга ҳақли эмас, **“Пудратчи”** эса олинган иш натижаларидан ўзининг манфаатлари учун фойдаланиши тақиқланади.

7.2 Мазкур шартномада кўзда тутилмаган томонларнинг ўзаро муносабатлари Ўзбекистон Республикасининг «Хўжалик юритувчи субъектлар фаолиятининг шартномавий ҳуқуқий базаси

тўғрисида» ги қонунига, ҳамда Ўзбекистон Республикаси Фуқаролик кодексига асосан белгиланади.

7.3 Томонлар ўзларининг юридик ва банк реквизитлари ўзгарган тақдирда, бир-бирларини 3 банк куни ичида хабардор қилишлари шарт.

8. Шартноманинг амал қилиш муддати ва шартлари

8.1 Мазкур шартнома томонлар имзо чекиб, газначилик бошқармасидан руйхатдан утганидан кейин кучга киради ва унинг шартлари тўлиқ бажариб бўлгунча ҳақиқий ҳисобланади.

8.2 Мазкур шартнома 2 нусхада тайёрланади ва бир нусхадан буюртмачига, пудратчига берилади.

8.3 Шартнома 2022 йил 31 декабрга қадар ўз кучида бўлади.

9. Низоларни ҳал этиш тартиби

9.1 Шартномани тузиш, ижро этиш, ўзгартириш ва бекор қилиш, шунингдек келтирилган зарарни қоплаш чоғида томонлар ўртасида вужудга келадиган низолар қонунчиликда белгиланган тартибда Андижон туманлараро иқтисодий суди томонидан ёки томонларнинг келишувига биноан ҳақамлар суди томонидан кўриб чиқилади

10. Томонларнинг реквизитлари

БУЮРТМАЧИ	ПУДРАТЧИ
Хўжаобод тумани Мактабгача таълим бўлими	«Нурафшон электр сервис» МЧЖ
Хўжаобод туман Саноатчи мфй	Андижон ш., Навоийшоҳ 100/102 уй
Тел ; 90-184-70-00	Тел.: (+998-99) 994-93-39
х/р ; 4001722860032367091100251003	х/р: 2020 8000 6047 2222 9002
Марказий банк Тошкент шаҳри	“Invest Finance Bank” АТ Андижон вилояти филиали
Мфо: 00014	МФО: 01114
Стир : 305156008	СТИР: 300895477
Раҳбар  Н.Мирзакаримова	Раҳбар  Д. Абдужалилов
М.Ў.	М.Ў.




**YURIDIK AHAMIYATGA EGA HUJJATLARNING QONUN
HUJJATLARIGA MUVOFIQLIGI TO‘G‘RISIDA HUQUQIY
XULOSA**

WQ4562473244

1. Loyihaning turi : Shartnoma
2. Loyihaning nomi: Nurafshon elektr servis mchj rahbari D.Abdujalilov bir tomondan va Xo‘jaobod maktabgacha talim bo‘limi rahbari N.Mirzakarimova ikkinchi tomondan mazkur shartnomani 14900000 summadagi loyixa smeta xujjatlarini tayerlash shartnomasi
3. Loyiha ishlab chiquvchisi va kiritilgan sana haqidagi ma’lumot: Xo‘jaobod tumani maktabgacha ta'lim bulimi tomonidan 05.12.2022 yilda kiritilgan.

Loyiha amaldagi qonun hujjatlariga muvofiq ishlab chiqilgan va uni qabul qilish maqsadga muvofiq.

**Xo‘jaobod tumani
yuridik markazi
markaz rahbari:**



S.B.RAXIMOV

09.12.2022

“Тасдиқлайман”

Хўжаобод туман мактабгача таълим
бўлими мудири: Н. Мирзакаримова

2022 йил “ 5 ” 12

БАЁННОМА №16

Раислик қилувчи: Н.К. Мирзакаримова

Хўжаобод туман мактабгача таълим бўлими мудири

Қатнашувчилар: Комиссия аъзолари

Кун тартибида: Хўжаобод туман мактабгача таълим бўлими тасарруфидаги

4-давлат мактабгача таълим ташкилоти филиалини мукамал

таъмирлаш учун лойиха смета хужжатларини тайёрлаш ишлари

бўйича ўтказилган электрон танлов

натижалари

(Н. Мирзакаримова, Ш. Турсунов, А. Мамажонов, З. Ўрмонов, Н. Мирзакаримова)

Ўзбекистон Республикасининг “ДАВЛАТ ХАРИДЛАРИ ТЎҒРИСИДА” ги 22 апрель 2018 йилдаги №684 Қонунига асосан харид қилинаётган товарлар (иш, хизматлар) махсус ахборот портали орқали давлат харидларининг электрон тизимига танлаш ўтказилиши тўғрисидаги эълонни жойлаштирилган. 2022 йил 29 ноябрдаги давлат харидлари комиссиясининг электрон портали орқали шаклланган “Хўжаобод туман мактабгача таълим бўлими тасарруфидаги 4-давлат мактабгача таълим ташкилоти филиалини мукамал таъмирлаш учун лойиха смета хужжатларини тайёрлаш” баённомасига асосан эълон якунига кўра “Тараққиёт ме`мор” МЧЖголиб деб топилганлиги, харид комиссиясининг қарори билан танлаш бўйича харид қилиш хужжатларида ва таклифда кўрсатилган мезонларга энг мақбул таклифни тақдим этган иштирокчи сифатида эътироф этилган. Лекин ушбу “Тараққиёт ме`мор” МЧЖнинг 2022 йил 1 декабрь кунги 41-сонли хати орқали (22110012193570-лот) 4-давлат мактабгача таълим ташкилоти филиалини мукамал таъмирлаш учун лойиха смета хужжатларини тайёрлаш ишларини зиммаларида озод қилишини сўраган. Тараққиёт ме`мор МЧЖнинг 2022 йил 1 декабрь кунги 41-сонли хати инobatга олингандан сўнг эълон якунига кўра “Тараққиёт ме`мор” МЧЖдан кейин заҳирада “NURAFSHON ELEKTR SERVIS” масъулияти чекланган жамияти 2022 йил 2 декабрь куни голиб деб топилганлиги инobatга олинсин.

Ўзбекистон Республикасининг “ДАВЛАТ ХАРИДЛАРИ ТЎҒРИСИДА” ги қонунининг 62-моддаси 3-бандига асосан баённома давлат харидлари электрон тизимига муҳокама қилиш учун икки иш кўнига жойлаштирилди ва икки иш кун давомида давлат харидлари электрон тизимига жойлаштирилган баённома бўйича ҳеч қандай эътирозлар ёки қўшимча таклифлар келиб тушмаганлиги маълумот учун қабул қилинсин.

Юқоридагилардан келиб чиқиб ҳамда комиссия аъзоларининг 2022 йил 5 декабрдаги баённомасига асосан “NURAFSHON ELEKTR SERVIS” масъулияти чекланган жамиятиголиб деб топилганлигини инobatга олиб ушбу ташкилот билан қонунчиликка асосан шартнома расмийлаштирилсин.

Комиссия аъзолари

Турсунов Шохмурод Сапарбековмч _____ Бош ҳисобчи

Мамажонов Аббосбек Азамжонович _____ Иқтисодчи

Ўрмонов Зайнобиддин Холдарович _____ Эксплуатация бўлими бошлиғи



TARAQQIYOT ME'MORI

MAS'ULIYATI CHEKLANGAN
JAMIYAT

O'zbekiston Respublikasi Andijon viloyati Andijon shahar Fitrat ko'cha 4-uy.
X/r: 20208000400399577001 MFO: 01120 INN: 207216756 "Ipak yo'li" Andijon filiali.


№ 41
« 1 » 12 2022 й

Энг яхши таклифларни
кабул қилиш камнесиясига

ТУШУНТИРИШ ХАТИ

Сизга шуни ёзиб маълум қиламизки, Давлат харидлари электрон портали орқали №22110012193570 лотни, Андижон вилояти Хўжабод тумани Солпи МФЙ 4-ДМТТ филиалини мукамал таъмирлаш ишлари учун смета-лойиха ҳужжатлари тайёрлаш ишларини "Taraqqiyyot me'mori" MChJ ташкилотимиз ютиб олган.

Сиздан бизни ташкилотда ҳозирги кунда электр энергиясида узилишлар кузатилаётганлиги учун ва уз мулжалланган иш тартиб графигидан чиқиб кетганлигимиз яъни эски сиздан олдинги ишларни шартноманинг лойихалари вақтида топшира олмаганлигимиз туфайли сизнинг №22110012193570 лот Андижон вилояти Хўжабод тумани Солпи МФЙ 4-ДМТТ филиалини мукамал таъмирлаш ишлари учун смета-лойиха ҳужжатлари тайёрлаш ишларини бизнинг зиммамиздан озод қилишингизни сўраймиз.



Ф. Бураев